

Allannguutissatut siunnersuummut nassuiaatit

### **Oqaaseqaatit nalinginnaasut.**

#### **1. Aallaqqaasiut**

Isumaginninnermik suliassaqaarfimmi pissaanermik atuineq pillugu Inatsisartut inatsisaat nr. 1, 21. november 2013-meersumi inatsisip kalaallisuuata qallunaatuuanut naapertuutinnginnerata paasineqarmat allannguutissatut siunnersuut manna saqqummiunneqarpoq. Meeqqanut ulloq unnuarlu paaqqinnittarfinni aamma meeqqanut ulloq unnuarlu paaqqinnittarfinni isumannaallisakkani najugaqartunik allaffigeqatigiinnernik, oqarasuaatikkut oqaloqatigiinnernik allatigullu attaveqaqatigiinnernik nakkutilliinissamut kommunalbestyrelsip aalajangiisinnaatitaaneranik siunnersuut imaqarpoq.

Inatsisartut inatsisaata kalaallisoortaata qallunaatoortaanut naapertuutilernissaa siunnersuummi siunertarineqarpoq.

Siunnersuummi Isumaginninnermik suliassaqaarfimmi pissaanermik atuineq pillugu Inatsisartut inatsisaat nr. 1, 21. november 2013-meersup qallunaatoortaa allanngortinneqanngilaq.

#### **2. Siunnersuummi immikkoortut pingaarnertit**

Isumaginninnermik suliassaqaarfimmi pissaanermik atuineq pillugu Inatsisartut inatsisaat nr. 1, 21. november 2013-meersup kalaallisoortaa naapertorlugu eqqartuussisoq aalajangiinngikkaluartorluunniit allaffigeqatigiinnernik oqarasuaatikkut allatigulluunniit attaveqaqatigiinnernik nakkutilliinissamut kommunalbestyrelsip aalajangiisinnaatitaanera inatsisitigut tunngavissaqanngilaq.

Siunnersuummi erseqqissarneqarpoq, eqqartuussisoq aalajangiinngikkaluartuq meeqqanut ulloq unnuarlu paaqqinnittarfinni aamma meeqqanut ulloq unnuarlu paaqqinnittarfinni isumannaallisakkani allaffigeqatigiinnernik, oqarasuaatikkut allatigulluunniit attaveqaqatigiinnernik nakkutilliinissamut kommunalbestyrelsip aalajangiisinnaatitaanera inatsisitigut tunngavissaqartoq. Matumani inunnik erseqqinnerusumik taaneqartunik attaveqaqatigiinnernik piffissami aalajangersimasumi nakkutilliisoqassasoq piumasarineqarpoq tamannalu meeqqap atugarissaassusia ineriartorneralu mianeriniarlugit pisariaqarpat.

<b>Inatsisissatut siunnersuut inatsimmut atuuttumut naleqqiullugu</b>	
<i>Oqaasertaliussat atuuttut</i>	<i>Inatsisissatut siunnersuut</i>
	<b>§ 1</b>
	Isumaginninnermik suliassaqaarfimmi

	pissaanermik atuineq pillugu Inatsisartut inatsisaat nr. 1, 21. november 2013-meersoq imatut allannguuteqarpoq:
<p><b>§ 13</b> Meeqqanut ulloq unnuarlu paaqqinniffinni aamma meeqqanut ulloq unnuarlu paaqqinniffinni isumannaallisakkani, allaffigeqatigiinnernik, oqarasuaatikkut oqaloqatigiinnernik allatigullu inunnik erseqqinnerusumik taaneqartunik paaqqinniffiup avataaniittunik attaveqatigiinnernik piffissami aalajangersimasumi nakkutilliisoqarnissaa kommunimi sumiiffigisami kommunalbestyrelsip aalajangersinnaavaa, tamanna meeqqap atugarissaassusia ineriartorneralu mianeriniarlugit pisariaqarpat, taamaattoq tak. imm. 2-6.</p>	<p><b>1 § 13, imm. 1,</b> ima oqaasertaqassaaq: "Meeqqanut ulloq unnuarlu paaqqinniffinni aamma meeqqanut ulloq unnuarlu paaqqinniffinni isumannaallisakkani, allaffigeqatigiinnernik, oqarasuaatikkut oqaloqatigiinnernik allatigullu inunnik erseqqinnerusumik taaneqartunik paaqqinniffiup avataaniittunik attaveqatigiinnernik piffissami aalajangersimasumi eqqartuussiviit akuersiseqqaarnagit nakkutilliisoqarnissaa kommunimi sumiiffigisami kommunalbestyrelsip aalajangersinnaavaa, tamanna meeqqap atugarissaassusia ineriartorneralu mianeriniarlugit pisariaqarpat, taamaattoq tak. imm. 2-6."</p>
	<b>§ 2.</b>
	Inatsisartut inatsisaat manna ulloq 01. decembari 2017-imi atutilissaaq.

### **3. Pisortanut aningaasatigut allaffissornikkullu kingunissai**

Siunnersuut pisortanut kinguneqassanngilaq.

### **4. Inuussutissarsiortunut aningaasatigut allaffissornikkullu kingunissai**

Siunnersuut aningaasaqarnikkut allaffissornikkullu inuussutissarsiortunut kinguneqartitsissanngilaq.

### **5 Avatangiisinut, pinngortitamut innuttaasullu peqqissusaannut kinguneri**

Siunnersuut avatangiisinut, pinngortitamut inuillu peqqissusiannut kinguneqartitsissanngilaq.

### **6 Innuttaasunut kinguneri**

Aalajangersakkap oqaasertaasa inatsisip siunertaanut naapertuuttunngortinnissai siunnersuummi uani siunertarineqarpoq. Siunnersuut aqqutigalugu ulloq unnuarlu paaqqinnittarfinni meeqqanillu ulloq unnuarlu paaqqinnittarfinni isumannaallisakkani najugaqartunik allaffigeqatigiinnikkut, oqarasuaatikkut allatigulluunniit attaveqatigiinnikkut eqqartuussiviit akuersiseqqaarnagit nakkutilliinissamut kommunalbestyrelse aalajangiisinnaatitaalerpoq. Matumani inunnik erseqqinnerusumik taaneqartunik attaveqatigiinnernik piffissami aalajangersimasumi nakkutilliisoqassasoq

piumasarineqarpoq tamannalu meeqqap atugarissaassusia ineriartorneralu mianeriniarlugit pisariaqarpat.

### **7. Kingunissai pingaaruteqartut allat**

Siunnersuut pingaarutilinnut allanut kinguneqartitsissanngilaq.

### **8 Oqartussanik kattuffinnillu il.il. tusarniaaneq**

Siunnersuut Aningaasaqarnermut Naalakkersuisoqarfimmut tusarniaassutigineqarnikuuvoq. Siunnersuummut oqaaseqaateqartoqanngilaq.

## **Siunnersuummi aalajangersakkanut ataasiakkaanut nassuiaatit**

### § 1-imut

#### *Nr. 1-imut*

Allanguutissatut siunnersuummi Isumaginninnermik suliaasaqarfimmi pissaanermik atuineq pillugu Inatsisartut inatsisaanni § 13, imm 1-imi oqaasertassatut siunnersuutigineqartutut, § 1, nr. 1-ip kalaallisoortaa aaqqinneqarpoq.

Siunnersuutip aalajangersakkap oqaasertaasa Inatsisartut inatsisaata siunertaanut naapertuuttunngortippai, tassa kommunalbestyrelsip aalajangiineratigut inissiiffiup meeqqap inunnik aalajangersimasunik attaveqarneranik killiliisinnaanermik periarfissaqarnissaanik qulakkeerinninnikkut, matumani meeqqap atugarissaassusia ineriartorneralu mianeralugit pisariaqarneranik naliliisoqarpat.